



17428

王陽明先生全集目錄

卷十八 公移一

巡撫南贛欽奉 敕諭通行各屬 正德十二年正月

選棟民兵

十家牌法告諭各府父老子弟

案行各分巡道督編十家牌

告諭各府父老子弟

勦捕漳寇方峇牌 正月

案行廣東福建領兵官進剿事宜

王陽明先生全集

卷十八

目

一

案行漳南道守巡官戴罪督兵剿賊

案行領兵官搜剿餘賊

獎勵福建守巡漳南道廣東守巡嶺東道領

兵官

告諭新民

欽奉 敕諭切責失機官員通行各屬

兵符節制 五月

預整操練

選募將領牌



批留嶺北道楊璋給由呈

批廣東韶州府留兵防守申

咨報湖廣巡撫右副都御史秦防賊奔竄八月

欽奉 敕諭提督軍務新 命通行各屬九月

咨報湖廣巡撫右副都御史秦夾攻事宜

征剿橫水桶岡分委統哨牌

案行分守嶺北道官兵戴罪剿賊

搜滅餘黨牌

獎勵湖廣統兵叅將史春牌

王陽明先生全集 卷十八 目 二

設立茶寮隘所

牌行招撫官 正德十三年三月

批留兵搜捕呈

批將士爭功呈

告諭洞頭巢賊 正德十二年五月

進剿剽賊方略

尅期進剿牌 正德十三年正月

批汀州知府唐淳乞休申

告諭

仰南安贛州府印行告諭牌

禁約權商官吏

批贛州府賑濟石城縣申

議處河源餘賊

告諭父老子弟

正德十四年二月

行龍川縣撫諭新民

優獎致仕縣丞龍韜牌

申明便宜救諭

再批攻勦河源賊巢呈

王陽明先生全集

卷十八

目

三

橫水建立營場牌

行江西按察司編審九姓漁戶牌

行吉安府禁止鎮守貢獻牌

王陽明先生全集卷之十八

同里後學俞 嶙重編

公移一

提督南贛軍務  
征橫水桶岡三洞

巡撫南贛欽奉

敕諭通行各屬

正德十二年正月

節該欽奉

敕諭江西福建廣東湖廣各布政司

地方交界去處累有盜賊生發因地連各境事無

統屬特命爾前去巡撫江西南安贛州福建汀州

漳州廣東南雄韶州惠州潮州各府及湖廣郴州

地方安撫軍民修理城池禁革奸弊一應地方賊

王陽明先生全集

卷十八

公移一

一

情軍馬錢糧事宜小則徑自區畫大則奏請定奪

但有盜賊生發卽便嚴督各該兵備守禦守巡并

各軍衛有司設法勦捕選委廉能屬官密切體訪

及僉所在大戶并被害之家有智力人丁多方追

襲量加犒賞或募知因之人陰爲鄉導或購賊徒

自相斬捕或聽脅從并亡命窩主人等自首免罪

其軍衛有司官員中政務修舉者量加旌獎其有

貪殘畏縮誤事者徑自拏問發落爾風憲大臣須

廉正剛果肅清奸弊以副

朝廷之委任欽此欽

遵照得撫屬地方界連四省山谿峻險林木茂深盜賊潛據其間不時出沒剽劫東追則西竄南捕則北奔各省巡捕等官彼此推調觀望不肯協力追勦遂至延蔓日多當職猥以菲才濫膺重寄大懼職業鰥廢仰負 朝廷委託爲照前項地方延袤廣遠未能遍歷其間緩撫之方隨時殊制攻守之策因地異宜若非的確詢訪難以臆見裁度爲此仰抄捧回司着落當該官吏照依案驗內事理卽行本司該道分巡分守其備守備等官并所屬

大小衙門各該官吏公同逐一會議要見卽今各處城堡關隘有無堅完軍兵民快會否操練某處賊方猖獗作何擒勦某處賊已退散作何撫緝某賊怙終必須撲滅某賊被誘尚可招徠何等人役堪爲鄉導何等大戶可令追襲軍不足恃或須別募精強財不足用或可別爲經畫某處或有閒田可興屯以足食某處或多浮費可節省以供軍何地須添寨堡以斷賊之往來何地堪建城邑以扼賊之要害姑息隱忍固非久安之圖會舉夾攻果

得萬全之策一應足財養兵弭寇安民之術皆宜  
悉心計慮折衷推求山川道路之險易必須親切  
畫圖賊壘民居之錯雜皆可按實開註近者一月  
以裏遠者一月以外凡有所見借寫揭帖各另呈  
來以憑采擇非獨以匡當職之不逮亦將以驗各  
官之所有務求實用毋事虛言各該官吏俱要守  
法奉公長廉遠耻祛患衛民竭誠報國毋以各  
省而分彼此務須協力以濟艱難果有忠勇清勤  
績行顯著者旌勸自有常典當職不敢蔽賢其或  
奸貪畏縮志行卑污者黜罰亦有明條當職亦不  
敢同惡深惟昧劣庶賴匡襄凡我有官各宜知悉

選揀民兵

照得撫屬地方界連四省山谷險隘林木茂深盜  
賊所盤三居其一乘間劫掠大爲民患本院繆當  
巡撫專以弭盜安民爲職欽奉 敕諭一應軍馬  
錢糧事宜得以徑自區畫蒞任以來甫及旬日雖  
未遍歷各屬且就贛州一府觀之財用耗竭兵力  
脆寡衛所軍丁止存故籍府縣機快半應虛文禦

寇之方百無足恃以此例彼餘亦可知夫以羸卒而當強寇猶驅群羊而攻猛虎必有所不敢矣是以每遇盜賊猖獗輒復會 奏請兵非調土軍卽

倩狼達往返之際輒已經年糜費所須動逾數萬逮至集兵舉事卽已魍魎潛形曾無可勦之賊稍俟班師旋旅則又鼠狐聚黨復皆不軌之群良由素不練兵倚人成事是以機宜屢失備禦益弛徵發無救於瘡痍供饋適增其荼毒群盜習知其然愈肆無憚百姓謂莫可恃競亦從非夫事緩則坐

縱烏合勢急廼動調狼兵一皆苟且之謀此豈可常之策古之善用兵者驅市人而使戰假閭戍以興師豈以一州八府之地遂無奮勇敢戰之夫事豫則立人存政舉近據江西分巡嶺北道兵備副使楊璋呈將所屬各縣機快通行揀選委官統領操練卽其處分當亦漸跨於前但此等機快止可護守城郭提備關隘至於搗巢深入摧鋒陷陣恐亦未堪爲此案仰四省各兵備官於各屬弩手打手機快等項挑選驍勇絕群膽力出衆之士每縣

多或十餘人少或八九輩務求魁傑異材缺則懸賞召募大約江西福建二兵備各以五六百名爲率廣東湖廣二兵備各以四五百名爲率中間若有力能扛鼎勇敵千人者優其廩餼署爲將領召募犒賞等費皆查各屬商稅贓罰等銀支給各縣機快除南贛兵備已行編選外餘四兵備仍於每縣原額數內揀選精壯可用者量留三分之一就委該縣能官統練專以守城防隘爲事其餘一分棟退疲弱不堪者免其着役止出工食追解該道

王陽明先生全集

卷十八

公移一

五

以益召募犒賞之費所募精兵專隨各兵備官屯劄別選素有膽畧屬官員分隊統押教習之方隨材異技器械之備因地異宜日逐操演聽候徵調各官常加考校以核其進止金鼓之節本院間一調遣以習其往來道途之勤資裝素具遇警卽發聲東擊西舉動由已運機設伏呼吸從心如此則各縣屯戍之兵旣足以護守防截而兵備募石之士又可以應變出奇盜賊漸知所畏而革心平良益有所恃而無恐然後聲罪之義克振撫綏之仁

可施弭盜之方斯惟其要本院所見如此其間尚有知慮未周措置猶缺者又在各官酌量潤色務在盡善期於可久亮愛民憂國之心既無不同則拯溺救焚之圖自不容緩案至卽便舉行或有政務相妨未能一一親詣先行各屬精爲選發先將召募所得姓名及措置支費銀糧陸續呈報事完之日通造文冊以憑查考

十家牌法告諭各府父老子弟

本院奉 命巡撫是方惟欲翦除盜賊安養小民

王陽明先生全集

卷十八

公移一

六

所恨才力短淺智慮不及雖懷愛民之心未有愛民之政父老子弟凡可以匡我之不逮苟有益於民者皆有以告我我當商度其可以次舉行今爲此牌似亦煩勞爾衆中間固多詩書禮義之家吾亦豈忍以狡詐待爾良民便欲防奸革弊以保安爾良善則又不得不然父老子弟其體此意自今各家務要父慈子孝兄愛弟敬夫和婦隨長惠幼順小心以奉官法勤謹以辦 國課恭儉以守家業謙和以處鄉里心要平恕毋得輕意忿爭事要

含忍母省輒興詞訟見善互相勸勉有惡互相懲  
戒務興禮讓之風以成敦厚之俗吾愧德政未敷  
而徒以言教父老子弟其他體吾意毋忽

輪牌人每日仍將告諭省曉各家一番

十家牌式

某縣某坊

某人某籍

某人某籍

某人某籍

王陽明先生全集

卷十八

公移一

七

某人某籍

某人某籍

某人某籍

某人某籍

某人某籍

某人某籍

某人某籍

右甲尾某人

右甲頭某人

此牌就仰同牌十家輪日收掌每日酉牌時分  
持牌到各家照粉牌查審某家今夜少某人往  
某處幹某事某日當回某家今夜多某人是某  
姓名從某處來幹某事務要審問的確仍通報  
各家知會若事有可疑卽行報官如或隱蔽事  
發十家同罪各家牌式

某縣某坊民戶某人

某坊都里長某下甲首軍戶則云某所總旗小  
旗某下匠戶則云某里甲下某色匠客戶則云

王陽明先生全集

卷十八

公移

八

原籍某處某里甲下某色人見作何生理當何  
處差役有寄庄田在本縣某都原買某人田親  
徵保住人某某若官戶則云某衙門某官下舍  
人舍餘

若客戶不報寫庄田在牌者日後來告有庄田  
皆不准不報寫原籍里甲卽係來歷不明卽須  
查究

男子幾丁

某

京項官見任某仕在  
京聽選或在某家

某

某處生  
員吏典

某 治何生業成丁不成

某 見當某

某 有向技能

某 差役

某

某

見在家幾丁 若人丁多者牌許增閱量添行

格填寫

一婦女幾口

一門面屋幾間 係自己屋或典賃某人屋

一寄歇客人 某人係某處人到此作何生理一名名開寫浮票寫帖客去則揭票

無則云無

王陽明先生全集

卷十八

九

案行各分巡道督編十家牌

照得本院巡撫地方盜賊充斥因念禦外之策必  
以治內為先顧蒞事未久尚昧土俗永惟撫緝之  
宜情然未有所措訪得所屬軍民之家多有規圖  
小利寄住來歷不明之人同為狡僞欺竊之事甚  
者私通鞏賊而與之傳遞消息窩藏奸宄而為之  
盤據夤緣盜賊不靖職此其由合就行令所屬府  
縣在城居民每家各置一牌備寫門戶籍貫及人  
丁多寡之數有無寄住暫宿之人揭於各家門首

以憑官府查考仍編十家爲一牌開列各戶姓名  
背寫本院告諭日輪一家沿門按牌審察動靜但  
有面目生疎之人踪跡可疑之事卽行報官究理  
或有隱匿十家連罪如此庶居民不敢從惡而奸  
僞無所潛形爲此仰抄案回道卽行各屬府縣着  
落各掌印官照依頒去牌式沿街逐巷挨次編排  
務在一月之內了事該道亦要嚴加督察期於着  
實施行毋使虛應故事仍令各將編置過人戶姓  
名造冊繳院以憑查考非但因事以別勤惰且將  
王陽明先生全集

卷十八

公移一

十

旌罰以示勸懲

告諭各府父老子弟

告諭父老子弟今兵荒之餘困苦良甚其各休養生息相勉於善父慈子孝兄友弟恭夫和婦從長惠幼順勤儉以守家業謙和以處鄉里心要平恕母懷險譎事貴含忍毋輕鬪爭父老子弟曾見有溫良遜讓早已尊人而人不敬愛者乎曾見有凶狠貪暴利已侵人而人不疾怨者乎夫鬪訟之人爭利而未必得利求伸而未必能伸外見疾於官

府內破敗其家業上辱父祖下累子孫何苦而爲此乎此邦之俗爭利健訟故吾言懇懇於此吾愧無德政而徒以言教父老其勉聽吾言各誦戒其子弟毋忽

勦補漳寇方畧牌

正月

據福建廣東布按二司叅議等官張簡等各呈勦捕事宜已經行仰遵照案驗施行所有方畧恐致泄露不欲備開案內爲此另行牌仰廣東嶺東福建汀漳等處兵備僉事顧應祥胡璉密切會同守

王陽明先生全集

卷十八

公移一

十一

巡紀功贊畫等官於公文至日便可揚言本院新有明文謂天氣向煖農務方新兼之山路崎險林木蒼翳若雨水洊至瘴霧驟興軍馬深入實亦非便莫若於要緊地方量留打手機兵操練隄備其餘軍馬逐漸抽回待秋收之後風氣涼冷然後三省會兵齊進或宣示遠近或曉諭下人此聲旣揚却乃大饗軍士陽若犒勞給賞爲散軍之狀實則感激衆心作興士氣一面亦將不甚緊關人馬拙放一處兩處以信其事其實所散人馬亦可不遠而復預遣間諜

探賊虛實有間可乘即便齎糗餉枚連夜速發

此當

之時却須捨却身家有死無生有進無退若一念轉動便成大害

勁卒當前重兵

繼後伺至其地鼓噪而入仍戒當先之士惟在摧鋒破陣不許斬取首級後繼重兵止許另分五六十騎沿途收斬其餘亦不得輒亂行次違者就便以軍法斬首重兵之後紀功贊畫等官各率數隊相繼而進嚴整行伍務令鼓噪之聲連亘不絕使諸賊逃遁山谷者聞之不得復聚若賊首未盡探其所如分兵速躡不得稍緩使賊復得爲計已獲

渠魁其餘解散黨與平日罪惡不大可招納者還與招納不得貪功一槩屠戮乘勝之餘尤要振兵肅旅如初遇敵不得恃勝懈弛恐生他虞歸途仍將已破賊巢悉與掃蕩經過寨堡村落務禁標掠宜撫恤者卽加撫恤宜處分者卽與處分毋速一時之歸復遺他日之悔本院奉命而來專以節制四省沿邊軍職爲務節今進兵一應機宜悉宜稟聽本院庶幾事有總領舉動齊一授去方畧敢有故違悉以軍法論處各官知會之後卽連名開

具遵依揭帖密印差人回報

案行廣東福建領兵官進剿事宜

據福建廣東按察司等衙門備呈到院看得兩省  
剿捕事宜設施布置頗已詳備誠使諸將齊心軍  
士用命並舉夾攻已有必克之勢但事干各省舉  
動難一頓兵既久變故旋生則謀算機宜旬日頓  
異亦難各守初議執爲定說照得福建軍務整緝  
旣久兼有海滄浦城政和諸處打手足可濟事諸  
將咸有以功贖罪之心意氣頗銳當道亦皆協謀  
并力期收克捷之功利在速戰若當集謀之始掩  
賊不備奮擊而前成功可必今旣曠日持久聲勢  
彰聞各巢賊黨必皆連絡糾合阻阱設械以禦我  
師其爲奸計當亦日加險密至於今日已爲持久  
之師且宜示以寬懈待間而發而猶執其乘機之  
說張皇於外以堅賊志是謂知吾卒之可擊而不  
知敵之未可擊也廣東之兵集謀稍緩聲威未震  
意在倚重很達土軍然後舉事利於持久是亦慎  
重周悉之謀諸賊聞之雖相結聚尚候土兵之集

以卜戰期其備必猶懈弛若因而形之以緩乘此  
機候正可奮怯爲勇變弱爲強而猶執其持重之  
說必候土軍之至以坐失事機是徒知吾卒之未  
可擊而不知敵之正可擊也善用兵者因形而借  
勝於敵故其戰勝不復而應形於無窮勝負之算  
間不容髮烏可執滯除江西南贛地方凡通賊關  
隘已行兵備副使楊璋委官隄備截殺及將進剿  
方畧各另差人封付福建僉事胡璉廣東僉事顧  
應祥會同守巡等官密切遵依行事外仰抄案回

司卽行各官務要同心協德乘間而動毋得各守  
一見廩軍債事一應進止不必呈稟以致誤事領  
軍等官隨機應變就便施行一面呈報如後彼此  
偏執失誤軍機定行從重叅拏決不輕貸其軍馬  
錢糧紀功給賞等項已行有成規不再更定

案行漳南道守巡官戴罪督兵剿賊

據福建漳南道右叅政艾洪等呈准左叅政陳策  
副使唐澤手本該三司遵依議委各職隨軍紀功  
運謀經各依蒙 訓詣南靖縣小溪中營住札查理

軍情審驗功次大約賊衆以四分爲率一分就擒  
一分聽撫俱已審驗查處明白一分遠遯廣東境  
界一分深藏本處山谷狼子野心絕巖峻嶺易以  
計破難以兵碎必須通將調募見在官軍二萬二  
千餘名再加議處減冗兵以省費留精兵以守險  
待賊饑疲隨加撫剿庶幾軍餉不缺農業不廢節  
據各哨委官連日稟報各賊恃居險阻公然拒敵  
官軍不聽招撫合無繼處本省錢糧以堅自守之  
謀催請廣東狼兵以助夾攻之計等因隨據叅政  
王陽明先生全集

卷十八

公發一

十五

陳策等呈據鎮海衛指揮高偉呈指揮覃桓縣丞  
紀鏞被大傘賊衆突出馬陷深泥被傷身死等因  
到院簿查先據叅政陳策等呈已經批各官酌量  
事機公同會議知是賊無據險而守尚可出其不  
趨掩其不備則用鄧艾破蜀之策從間道以出奇  
若果賊已盤據得地可以計困難以兵克則用充  
國破羗之謀賊冗兵以省費務在防隱禍於顯利  
之中絕深奸於意料之外萬全無失僉謀皆同然  
後呈來定奪去後今據前因叅照指揮高偉旣奉

差委督哨自合與覃桓等相度機宜協謀並進却  
乃孤軍輕率中賊奸計雖稱督兵救援先亦頗有  
斬獲終是功微罪大難以贖罪廣東通判陳策指  
揮黃春千百戶陳洪鄭芳等既與覃桓等面議夾  
攻眼見摧敗畧不應援挫損軍威壞事匪細俱屬  
違法各該領兵守備兵備守巡等官督提欠嚴亦  
屬有違合就通行叅究但在緊急用人之際姑且  
記罪查勘督剿及照添調狼兵一節案查該省節  
呈兵糧預備已久惟俟尅日進攻今始成軍而出

一遇小挫輒求濟師况動調狼兵往返數月非但  
臨渴掘井緩不及事兼據見在官兵二千有餘數  
已不少兵糞善翔豈在徒多况稱糧餉缺乏正宜  
減兵省費安可益軍費財除廣東坐視官員及應  
不動調狼兵另行查議外仰抄案回道查勘指揮  
覃桓縣丞紀鏞是否領兵夾攻被傷身死各官原  
領軍兵若干見在若干其指揮仲欽推官胡寧道  
知事曾瑤知縣施祥等緣何不行策應是否畏避  
退縮俱要備查明白從實開報其覃桓等所統軍

兵就仰高偉管領軍戮罪賊立功自壞仍仰福建  
布政司作急查處具以支銀可乾呈鎮巡衙門  
知會差官領解軍需燕濟一百兩數呈來以憑查  
考不許掩避致誤軍機各該官員俱要奮勇協心  
乘機進剿毋顧兵遙言以失機宜毋坐待狼兵以  
自懈弛務須速營犄角以壯我軍之威更休迭出  
以蓄我軍之銳多方以誤兵人之謀分攻以疲賊  
人之守掃蕩巢穴靖安地方則東隅可收於桑榆  
大捷不計其小挫事完之日通查功罪呈來以憑  
王陽明先生全集

卷十八

公移一

七

酌量參奏

案行領兵官搜剿餘賊

據福建左叅政陳策副使唐澤會案呈准漳南道  
叅政艾洪僉事胡璉手本督據委官指揮徐麒等  
呈稱督領軍兵粘踪追賊至象湖山賊寨連營拒  
守遵奉本院密諭佯言犒衆退兵俟秋再舉密切  
部勒諸軍乘懈奮擊云云除將擒斬功次審驗監  
候梟掛外呈乞照詳等因到院卷查先准兵部咨  
前事已經備行福建廣東二省漳南嶺東二道守

巡兵備守備等官欽遵調兵上緊相機剿撫并將  
進兵方畧行仰各官密切遵照施行敢有故違悉  
以軍法論處去後續據福建布按二司守巡漳南  
道右叅政等官文洪等呈據委指揮高偉呈稱督  
同指揮等官覃桓等領兵剋期夾攻不意大賊衆  
突出陷入深泥被傷身死廣東官兵在彼坐視不  
行策救呈詳到院叅看得各官顧兵日久老師費  
財致此敗衄顯是不奉節制故違方畧正行查勘  
叅提閩隨據廣東按察司等衙門僉事顧應祥等  
官會呈前事開稱約會福建官兵剋期進攻間爪  
探福建官軍被大傘賊徒殺死指揮覃桓等情各  
職隨卽統兵策應當獲賊人一名審係賊首羅聖  
欽執稱餘賊潛入箭灌巢內率領官兵直抵地名  
白土村遇賊交戰斬獲賊級俘獲賊屬等因呈報  
前來看得象湖箭灌最爲甚諸巢賊首悉遁其  
間賊之精悍盡聚於此官力所不能攻今各  
官雖有前挫隨能密遣方力竟破難克  
之寨以收桑榆之功計其大捷足蓋小挫但象湖

雖破而可塘猶存賊首頗已就擒而餘猾尚多逃遁若不乘此機會速行剿撲雜草存根恐復滋蔓狡兎入穴獲之益難除將功次另行查奏外爲此仰抄案回道查照先行方畧乘此勝鋒急攻可塘破竹之勢不可復緩仍一面分兵搜斬餘猾毋令復聚爲奸罪惡未稔可招納者還與招納毋縱貪功一槩屠戮務收一簣之功勿爲九仞之棄本院卽日自汀州起程前來各營督戰仍與各官備歷已破諸賊巢壘共議經久之策抄案

王陽明先生全集

卷十八

分卷一

十九

獎勵福建守巡漳南道廣東守巡嶺東道領

兵官

據福建叅政陳策艾洪副使唐澤僉事胡璉都指揮僉事李胤廣東叅議張簡僉事顧應祥都指揮僉事楊懋各呈稱請委官知府通判等官鍾湘徐璣等率領軍兵夾攻象湖可塘箭灌大傘等處賊巢前後擒斬首賊浩帥富羅二壯等共計一千五百餘名顆及俘獲賊屬牛馬器械等數到院看得象湖箭灌諸寨皆係極險最深賊巢自來官兵所

不能下今各官乃能運謀設策協力夾攻旬月之  
間擒斬賊首掃蕩巢穴謀勇顯著功勞可嘉除將  
功次查奏外通合先行獎勵爲此牌仰汀州府上  
杭縣即便動支商稅銀兩買辦綠段銀花羊酒委  
官分投領齋備用鼓樂巡送各官處用旌勤勞以  
明獎勵之典其餘領哨有功官員知府鍾湘等就  
行該道照依定去賞格酌量輕重徑自支給官錢  
買辦花紅等項一體賞勞仍具由回報以憑查考

告諭新民

王陽明先生全集

卷十八

公移一

三

爾等各安生理父老教訓子弟頭目人等撫緝下  
人俱要勤爾農業守爾門戶愛爾身命保爾室家  
孝順爾父母撫養爾子孫無有爲善而不蒙福無  
有爲惡而不受殃母以衆暴寡母以強凌弱爾等  
務興禮義之習永爲良善之民子弟群小中或有  
不遵教誨出外生事爲非者父老頭目卽與執送  
官府明正典刑一則彰明爾等爲善去惡之誠一  
則剪除莠莠免致延蔓貽累爾等良善吾今奉  
命巡撫是方惟欲爾等小民安居樂業共享太平

所恨才識短淺雖懷愛民之心未有愛民之政近  
因督征象湖可塘諸處賊巢悉已擒斬掃蕩住軍  
於此當茲春耕甚欲親至爾等所居鄉村面問疾  
苦又恐跟隨人衆或致勞擾爾民特遣官耆諭告  
及以布疋頒賜父老頭目人等見吾勤勤撫恤之  
心餘人衆多不能遍及各宜體悉此意

欽奉

敕諭切責失機官員通行各屬

照得本院於本年六月十五日節該欽奉 敕近

該巡按福建監察御史程昌奏今年正月內被漳

王陽明先生全集

卷十八

公移一

三

州南靖地方流賊殺死領軍指揮覃桓縣丞紀鏞  
射死軍人打手一十五名叅稱指揮高偉叅政陳  
策艾洪副使唐澤僉事胡璉都指揮李胤失機誤  
事俱各有罪及稱爾膺茲重寄責亦難辭等因下  
兵部議謂前項賊情自去年七月已 敕彼處撫  
巡等官相機撫剿日久未見成功今反墮賊計喪  
師失事欲將高偉陳策等姑免提問各令住俸戴  
罪殺賊弁降 敕切責令爾立效贖罪朕皆從之  
敕至爾宜親詣湖漳二府地方申嚴號令詳審機

宜督同守巡領軍等官調集官軍民快打手人役  
僸運糧餉指授方略隨賊向往設法剿捕其福建  
廣東江西官員悉聽爾節制有急督令互相策應  
約會夾攻不許自分彼此執拗誤事如有不遵命  
及遲誤供軍者宜照原奉 敕內事理徑自拏問  
施行事有應與兩廣并江西巡撫等官議處者公  
同計議而行務要處置得宜賊徒殄滅以靖地方  
欽此欽遵外照得本院於本年正月十六日抵贛  
蒞事當據福建叅政陳策僉事胡璉等呈爲急報  
賊情事已經密具方略行各官遵照約會廣東官  
兵剋期夾攻隨據各官呈稱指揮覃桓縣丞紀鏞  
在廣東大傘地方遇賊突出抵戰身死又稱象湖  
可塘等寨係極高絕險自來官兵所不能攻乞添  
調狼兵俟秋再舉等因到院叅看各官頓兵不進  
致此敗衄顯是不奉節制故違方略正宜協憤同  
奮因敗求勝豈可輒自退阻倚調狼兵坐失機會  
本院卽於當日選兵二千自贛起程進屯汀州一  
面督令各官密照方略火速進剿立功自贖一面

查勘失事緣由另行奏 奏間隨據各官續呈遵  
奉本院紙牌密諭佯言犒衆班師乘賊怠弛銜枚  
直搗攻破象湖等寨又經行令各官乘此勝鋒速  
攻可堪破竹之勢不可復緩仍一面分兵搜擒餘  
猾母令復聚爲奸本院亦自汀州進軍上杭期至  
賊寨親自督戰隨據各官復呈爲捷音事開稱攻  
破巢穴三十餘處擒斬首從賊人一千四百二十  
餘名顆俘獲賊屬五百七十餘名口燒燬房屋二  
千餘間奪獲牛馬賊仗無算卽今餘黨悉願聽撫  
王陽明先生全集 卷十八 公移 三

出給告示招撫得脅從賊人一千二百三十五名  
家口二千八百二十八名口乞要班師等因己經  
具本奏報去後今奉 敕諭切責不勝惶恐待罪  
然猶幸其因人成事偶獲收功愧雖難當罪或可  
免隨又訪得各賊徒黨尚多逃遁諸巢餘孽又復  
萌芽果爾則憂患方興罪累日重深思其故恐是  
各官急於成功不能掃蕩或是憚於久役爲此隱  
瞞本院聞此實切慚懼卽欲遵奉 敕諭事理親  
至漳州體勘查處但今南贛盜賊猖獗方奉 欽

依夾剿師期緊迫軍馬錢糧必須調度勢難遠出  
又前項事情出於傳聞未委虛的合行查勘爲此  
仰抄捧回司照依備奉 敕諭及查照先今案驗  
內事理卽委本司公正堂上官一員會同守巡該  
道官親詣漳州地方督同知府等官將已破賊巢  
逐一查勘前項強賊曾否盡絕所獲賊首是否真  
正徒黨有無逃遁餘孽有無萌芽是否各官苟且  
隱瞞惟復別賊各另生發若賊首果已擒獲巢穴  
果已掃蕩是實取具各官不致遺患重甘結狀具  
由呈來如或有所規避欺蔽俱要明白聲說以憑  
叅究施行若有脫漏殘黨或是別項流賊乘間嘯  
聚事出意外亦要從實開報就將防剿機宜作急  
議處停當相機行事一面呈來定奪無得畏難推  
咎以致貽患地方 國典具存取罪愈大俱無違  
錯遲延

兵符節制

五月

先據該道具呈計處武備以便經久事議將原選  
聽調人役如寧都殺手廖仲器之屬盡行查出頂

補各縣選退機兵通拘贛城操演以備征調已經  
批仰施行去後看得習戰之方莫要於行伍治衆  
之法莫先於分數所據各兵既集部曲行伍合先  
預定爲此仰抄案回道照依定去分數將調集各  
兵每二十五人編爲一伍伍有小甲五十人爲一  
隊隊有總甲二百人爲一哨哨有長協哨二人四  
百人爲一營營有官有參謀二人一千二百人爲  
一陣陣有偏將二千四百人爲一軍軍有副將偏  
將無定員臨事而設小甲於各伍之中選材力優  
者爲之總甲於小甲之中選材力優者爲之哨長  
於千百戶義官之中選材識優者爲之副將得以  
罰偏將偏將得以罰營官營官得以罰哨長哨長  
得以罰總甲總甲得以罰小甲小甲得以罰伍衆  
務使上下相維大小相承如身之使臂臂之使指  
自然舉動齊一治衆如寡庶幾有制之兵矣編選  
既定仍每伍人給一牌備列同伍二十五人姓名  
使之連絡習熟謂之伍符每隊各置兩牌編立字  
號一付總甲一藏本院謂之隊符每哨各置兩牌

編立字號一付哨長一藏本院謂之哨符每營各  
置兩牌編立字號一付營官一藏本院謂之營符  
凡遇征調發符比號而行以防奸僞其諸緝養訓  
練之方旗鼓進退之節皆要逐一講求務濟實用  
以收成績事完備造花名手冊送院以憑查考發  
遣

### 預整操練

案照先經批仰將聽調人役查拘操演以備征調  
卽今兵威士氣已覺漸有可觀但各色人內尚有

王陽明先生全集

卷十八

公孫一

三

遺才亦合通拘操演看得龍南等縣捕盜老人葉  
秀芳等部下兵衆亦多經戰陣况各役向化日久  
皆有竭忠報効之心但其勇力雖有而節制未諳  
向慕雖誠而情意未洽一時調用亦恐兵違將意  
將拂士情信義旣未交孚心志豈能齊一爲此仰  
抄案回道通將所屬向化義民人等悉行查出照  
依先行定去分數行令各選部下驍勇之士多者  
二三百人少者一百人或五十人順從其便分定  
班次各役若無別故自行統領或有事故相妨許

令推選親屬爲衆所服者代領前來贛城皆於教  
場內操演除耕種之月放令歸農其於農隙俱要  
輪班上操仍於教場起蓋營房使各有棲息之地  
人給口糧使皆無供饋之勞苟有功勤者厚加犒  
賞違犯約束者時與懲戒如此則號令素習自然  
如身臂手指之便恩義素行自然與父子弟之  
愛居則有禮動則有威以是征誅將無不可矣

選募將領牌

看得所屬地方盜賊充斥一應撫剿事宜各該兵

王陽明先生全集

卷十八

公移一

七

備等官旣以地方責任勢難頻來面議若專以公  
文往來非惟事情不能該悉兼恐機宜多致瀉漏  
爲此牌仰郴州兵備道卽於所屬軍衛有司官或  
義官耆老推選素有膽略才堪將領熟知賊寨險  
夷備曉盜情向背忠慎周密可相信任者一二人  
前來軍門凡遇地方機務卽與密切商度往來計  
議庶幾事可周悉機無踈虞

批留嶺北道楊璋給由呈

據副使楊璋呈給由事看得 朝廷設官本因保

障臣子盡職匪專給由副使楊璋才力精敏識見  
練達久在軍中習知戎務見今盜賊猖熾方爾請  
兵會剿一應軍馬錢糧皆倚贊畫方有次第若因  
給出遽爾輕動更代之人豈免事多生疎交承之  
際必至弊乘間隙遂有出柙之虞何益噬臍之悔  
仰本官勿以循例給由爲急惟以効忠盡職爲先  
益展謀猷仍舊供職地方安靖足申體國之勤  
懋績彰聞豈俟天曹之考仍行撫按衙門知會呈  
繳

王陽明先生全集

卷十八

公移一

三

批廣東韶州府留兵防守申

看得本院募兵選士欲弭盜安民正恐地利不能  
齊一措置或有未周故期各官酌量潤色務求盡  
善可久今據該府各縣所呈非惟不能弭盜而適  
以啓盜非徒不能安民而又以擾民此豈本院立  
法之初意哉行仰各縣掌印官務體本院立法不  
得已之意各要酌量事勢通融審處苟無不盡之  
心自無難處之事兵法謂守則不足攻則有餘今  
各縣所留之兵止於防守而兵備所選之士將以

剿襲防守之兵雖老弱皆可以備數而張威剿襲之士非精銳不可以摧鋒而陷陣况各縣所留尚有三分之二而兵備所取止得三分之一其於大勢未便虧損今取三分之一而遂以為地方不復可守假使原數止此亦無別無措置之方耶又况剿襲之兵既集則兵威日振聲東擊西倏來忽往賊將瞻前顧後自然不敢輕出各縣防守愈易為力此於事理亦皆明白易見各官類皆徂於因循憚於振作惟知取私便之為利而不知妨大計之

王陽明先生全集

卷十八

公移一

三

為害宜各除去偏小之見共為公薄之謀若復推調遲延夾攻在邇已經 奏有成命苟誤軍機定以軍法從事

咨報湖廣巡撫右副都御史秦

防賊奔竄

准巡撫湖廣都御史秦 咨云云已經一體欽遵

施行續據江西嶺北道副使楊璋看得朱廣寨等處係桂陽樂平二縣界內賊奔要路今夾攻在邇要行各道預發精兵把截又經備行廣東湖廣各官起集驍勇機快父子鄉兵選委素有能幹官員

統領各於賊行要路晝夜嚴加把截或遇前賊奔  
逃就便詳察險易相機截捕或先於朱廣魚黃賊  
所僭逃諸山寨多張疑兵使賊不敢奔往務要慮  
出萬全不得墮賊奸計各道仍須分投爪探出奇  
設伏先事預防但得賊中虛實差人飛報軍門大  
抵防寇如水四面隄防旣固但有一處滲漏必致  
併力潰決賊所奔逃尚恐不止前項諸處仍行各  
道再加詢訪但有罅隙即便行文知會互相關防  
必使皆無蟻穴之漏庶可全收草薶之功今准前  
王陽明先生全集

因爲照前項各賊屢經夾攻狡猾有素今聞大舉  
預將妻子搬寄此亦勢所必有照得咨開龔福全  
李斌皆已搬送妻子近往桶岡親識人家除行嶺  
北道密行擒拏一面行文湖廣各官將前項窩戶  
姓名密切知會或住近桂陽或住近上猶就仰各  
該守把官兵相機剿捕外擬合咨報云云

欽奉

敕諭提督軍務新

命通行各屬

九

正德十二年九月十一日節該欽奉

敕諭江西

南安贛州地方與福建汀漳二府廣東南韶潮惠

西府及湖廣郴州桂陽縣壤地相接山嶺相連其間盜賊不時生發東追則西竄南捕則北奔蓋因地分各省事無統屬彼此推調難爲處置先年以此之故嘗設有都御史一員巡撫前項地方就令督剿盜賊但責任不專類多因循苟且不能申明賞罰以勵人心致令盜賊滋多地方受禍今因爾所奏及該部覆奏事理特改命爾提督軍務常在贛州或汀州住札仍往前各處撫安軍民修理城池禁革奸弊一應軍馬錢糧事宜俱聽便宜區畫

以足軍餉但有盜賊生發即便嚴督各該兵備守備守巡并各軍衛有司設法調兵剿殺不許踵襲舊弊招撫蒙蔽重爲民患其管領兵快人等官員不拘文職武職若在軍前違期并逗遛退縮者俱聽以軍法從事生擒盜賊鞫問明白亦聽就行斬首示衆斬獲賊級行令各該兵備守巡官卽時紀驗明白備行江西按察司造冊奏繳查照南方剿殺蠻賊事例墜賞激勸仍要選委廉能官員密切體訪或僉所在大戶并被害之家及素有智力人

丁多方追襲量加糧賞或募知因之人陰爲鄉導  
或購令賊徒自相斬捕或許令脅從并亡命窩主  
人等自行出首免罪皆聽爾隨宜處置不必執定  
一說其應捕人員尤要嚴加戒約不許妄拏平人  
及容賊挾讐攀引因而嚇詐財物擾害良善軍衛  
有司官員中政務修舉者量加獎勵其有貪殘畏  
縮誤事者文職五品以下武職三品以下徑自拏  
問發落事有應與各該鎮巡官計議者亦須計議  
而行爾爲風憲大臣受茲新命尤宜廉能剛果肅  
清積弊以副 朝廷委任之意如違責亦有所歸  
焉爾其欽承之母忽故敕欽此欽遵擬合通行爲  
此仰抄捧回司照依案驗備奉 敕諭內事理并  
行該道守巡兵備守備等官及府衛等官及府衛  
所縣大小衙門一體欽遵施行都司呈鎮守布政  
司呈巡撫按察司呈巡按衙門各查照施行

咨報湖廣巡撫右副都御史秦夾攻事宜

准巡撫湖廣都御史秦 咨內開夾攻江西該分

哨道并把截之路及各該官軍不無追剿往來過

境必須各給旗號識別以防錯誤凡遇賊勢縱橫及攻堅去處各領哨官即便發兵策應同舟共濟又稱各省窩賊之家今既各有指實必須從長計處絕其禍本以收全功煩爲叅酌行止并將合行事宜咨報以憑轉行各該領兵等官遵守等因准此先該本院訪得大庾南康上猶三縣近附賊巢良民村寨甚多徃年大征不曾分別善惡給與良民旗號及撥兵護守以致狼土官兵貪功妄殺玉石不分亦有一二良民村寨給與旗號撥兵護守

又被不才領兵官員并良民寨主受賊重賄及將有名賊首隱藏其家事定仍復還巢至今貽患及有吉安府龍泉萬安泰和三縣并南安府所屬大庾等二縣居民無籍者徃徃携帶妻女入輦爲盜行劫則指引道路征剿則通報消息尤爲可惡卽今聞有大兵夾攻俱各潛行回家遇有盤詰輒稱被擄逃歸因而得脫誅戮若不通行揆究將來事定仍復入巢地方之患何時可已就預行上猶等三縣着落當該掌印官員查出附近賊巢居民村

寨通計若干畫圖申報以憑每寨給與良善旗號  
臨期撥兵護守仍取各寨主并地方總甲甘結在  
官如有應剿賊徒來投希圖隱匿者許其擒斬送  
官照例重賞容隱者事發一寨之人通行坐以奸  
細重罪其大庾龍泉等六縣各給告示曉諭鄉村  
里老人等但有平昔入輩爲盜卽今潛出許其舉  
首亦行照例給賞容隱事發本家并四鄰一體坐  
罪如此庶良善免於玉石俱焚而盜賊得以根株  
悉拔俱經牌仰該道遵照施行外又據委官知府

等官李敷等呈稱依奉本院方略分兵於上猶南  
康等處防遏被賊兩次糾衆出攻南安俱幸我兵  
克捷卽今賊勢略已衰敗若乘此機會直搗其巢  
旬月之間可期掃蕩云云本院看得三省夾攻事  
宜集兵有先後期約有遲速如上猶大庾之賊江  
西先與湖廣夾攻止令廣東之兵于仁化把截候  
廣東兵力已齊聽湖廣廣東約會夾攻江西之兵  
止于大庾把截通候廣東湖廣夾攻已畢廣東之  
兵移于惠州江西之兵移于龍南又行約會夾攻

如此庶先後有序事機不失兵力不竭糧餉可省  
又經移咨貴院查照施行外今准前因看得官軍  
過境必須各給旗號識別以防錯誤攻堅去處必  
須各領哨官即便發兵策應庶得成功持論既極  
公平所處又甚詳悉除行領哨等官遵照施行外  
惟守備指揮李璋所呈窩賊之家傳聞之言未必  
皆實已行該道再行查訪務求的實拔絕禍源其  
進攻次第惟桶岡一處該與湖廣之兵會合若長  
流坑左溪等處皆深入南安府所屬三縣腹心之  
內見今不次擁衆奔衝勢難止遏本院欲將前項  
賊巢以次相機剿撲候貴治之兵齊集會合夾攻  
桶岡如此則江西腹心之害已除而二省夾攻之  
舉得以併力從事擬合移咨前去煩爲查照定處  
咨報施行

征剿橫水桶岡分委統哨牌

據守把金坑等處領兵縣丞舒富等申稱探得各  
輦賊首聞知湖廣土兵將到集衆劫掠猖熾甚  
鑿山開塹爲備益堅又聞於桶岡後山陡絕崖壁

結構飛梯自此直入范陽大山延袤千里自來人迹所不能到今皆搬運糧穀設有機隘意在悉力拒戰戰而不勝卽奔入此中截斷飛梯雖有十萬之衆亦無所施其力乞要急爲區處等因到院隨將各輦擒獲賊徒備細研審亦與所呈略同照得先經具題及備行兩省將各處賊巢以次攻剿先約湖廣官兵會攻上猶諸賊未報但南贛兵力自來疲弱爲賊所輕必資湖廣土兵然後行事賊見土兵未至必以爲夾攻尚遠今若出其不意奮

兵合擊先以一哨急趨其後奪其隘口賊旣失勢殆可盡殪若必俟土兵之至果如各官所呈陷賊計中老師費財復爲他日之患追悔何及本院節准兵部咨題奉 欽依南贛地方賊情着都御史王守仁自行量調官軍設法剿捕及近奉 敕諭云云俱聽以軍法從事欽此欽遵除監督守巡官員行令分投先往上猶大庾等處調度催督外本院身督中軍直搗橫水大巢所據各哨官兵合就分委督發依期進剿

一仰贛州府知府邢珣統領後開官兵自上猶石坑進由上稍石溪入磨刀坑過白封龍一百分兵搜茶潭窩井杞州坑正兵經過朱坑早坑入楊梅村攻白藍橫水與都司許清指揮謝和姚璽知縣王天與等兵會合共結爲一大營及各選精銳用鄉導分引齋乾糧三日四搜附近各山寨如茶潭窩井杞州坑寨下等處多方爪探務期盡絕互相援應毋致踈虞左溪諸賊旣盡然後分哨起營過背烏坑穿牛角窟踰梅伏坑過長流坑涉果木口

搜芒背上思順過烏地入上新地中新地下新地攻桶岡峒諸賊與知府唐淳指揮余恩謝和等兵合勢夾擊賊旣敗散遂會各營連絡犄角爲一大營各選精銳開合縱橫分布搜扒必使噍類無遺候有班師期日方許回兵領哨各官及兵快人等敢有臨陣退縮違犯號令者卽遵照本院欽奉

敕諭內事理聽以軍法從事本官務要竭忠効命益展才猷嚴督諸軍奮勇前進蕩除羣醜以靖地方如或怠忽乖謬致有踈虞 國典具存罪難輕

貸本院即日進屯南康親臨督戰一應進止機宜  
密切差人俱赴營所稟白牌候事完日繳

計開

安遠縣新民義官某某等名下打手

八百名乾字營哨長趙某某等名下機兵四百名

弓箭手一隊銃手八名鄉導二十名火藥八十斤

地圖一張軍令八十張號色布一千五百件兵旗

大小九十面令字藍絹大旗一面

奇兵披扒用爲先導尋常皆捲

遇各營兵始開今字黃絹大旗一面

正兵行動用爲先導尋常皆捲遇各營兵

如開

王陽明先生全集

卷十八

兵務一

三

軍令 失誤軍機者斬臨陣退縮者斬違犯號令

者斬經過宿歇去處敢有攪擾居民及取人一草

一木者斬劄營起隊取火作食後時遲慢者照軍

法治因而誤事者斬安營住隊常如對敵不許私

相往來及輒去衣甲器仗違者照軍法治因而誤

事者斬凡安營訖非給有各隊信牌及非營門而

輒出入者皆斬守門人不舉告者同罪其出營樵

牧汲水方便而擅過營門外者杖一百軍中呼號

奔走驚衆者斬雖遇賊乘暗攻營將士輒呼動者

斬軍中卒遇火起除奉軍令救火人外敢有喧呼  
及擅離本隊者斬軍中守夜巡夜之人每夜各有  
號色號色不應者卽便收縛軍中不許私議軍機  
及妄言禍福休咎惑亂衆心違者者斬凡入賊境  
哨探可往而畏難不往托故推調及回報不實者  
斬軍行遇敵人來衝及有埋伏在傍者不許輒動  
卽便整隊向賊牢把相機殺剿違者斬軍行遇賊  
衆乞降恐有奸謀卽要駐軍嚴備一面飛稟中軍  
令其遠退自縛來投不許輒與相近遇有自稱官  
吏及地方里老來迎接者亦不許輒與相近卽便  
駐軍嚴備一面飛稟中軍審實發落違者皆斬賊  
使入營及來降之人將士敢與私語及問賊中事  
宜凡漏泄軍情者斬凡臨陣對敵一隊失全隊皆  
斬鄰隊不救鄰隊皆斬賊敗追奔不得太遠一聽  
號令聞鼓方進聞金卽止違者斬賊巢財物並聽  
殺賊已畢差官勘驗給賞敢有臨陣擅取者斬乘  
勝逐賊不許爭取首級路有遺下金銀寶物不許  
低頭拾取違者皆斬

一仰統兵官汀州府知府唐淳統領後開官兵前  
往南安府自百步橋浮江合村等處進屯聶都會  
同把隘推官徐文英將點集守把鄉夫於內選取  
堪爲鄉導者一百名分引哨路進襲上關破下關  
乃分兵爲三哨中一天哨踰相見嶺撲密溪徑攻  
左溪右一小哨從下關分道搜絲茅壩復從中大  
哨於密溪進攻左溪左一小哨自密溪抽羊牯腦  
山復自密溪從中大哨進攻左溪三哨復合爲一  
與本院會於橫水遂會同守備郊文知府季敦指

揮余恩縣丞舒富等兵五營犄角合爲一大營乃  
各選精銳用鄉導分引齋乾糧二三日四搜山寨  
多方爪探務期盡絕互相援應毋致踈虞左溪諸  
賊旣盡聽候本院再授方略然後分哨起營復自  
密溪回關田推官徐文英仍於關田厚集營陣以  
待奔竄遺賊勿輕散動本官自關田率兵由古亭  
進屯上保復自上保歷茶坑出十八磊依期進於  
木均攻桶岡諸賊竄知府邢均指揮余恩等兵合  
勢夾擊賊旣散遂會各營連絡犄角爲一大營

各選精銳開合縱橫分布搜扒必使噍類無遺候  
有班師之日方許回兵領哨各官及兵快人等敢  
有臨陣退縮違犯號令者仰卽遵照本院云云

計開

云云下同

一仰南安府知府季燾統領後關官兵自南安府  
石人背進破義安分兵搜朱雀坑入西峰分兵搜  
狐狸坑進鉛廠分兵搜李家坑屯穩下分兵搜李  
坑遂踰狗脚嶺搜陰木坑攻左溪與本院會於橫  
水遂與守備郊文知府邢珣唐淳指揮余恩縣丞

王陽明先生全集

卷十八

公移一

四十一

舒富等兵合連爲一大營乃各選精銳齋乾糧三  
日用鄉導分引四搜附近山寨多方爪探務期盡  
絕互相援應毋致踈虞左溪諸賊旣盡然後分哨  
起營過密溪搜羊牯腦踰相見嶺歷上關下關關  
田經古亭分屯上保茶坑斷胡蘆洞等處賊路四  
面設伏以待柘岡奔賊爲都指揮許清之繼探候  
緩急相機應援必使根株悉拔噍類無遺候有班  
師期日方許回兵領兵各官及兵快人等敢有臨  
陣退縮違犯號令者仰卽遵照本院云云

一仰江西都司都指揮僉事許清統領後開官兵  
自南康進破雞湖撲新地襲楊梅坑攻白藍與本  
院會於橫水遂與知府邢珣等兵會合共結爲一  
大營乃各選精銳用鄉導分引齎乾糧二三日四  
搜附近各山寨多方爪探務期盡絕互相援應毋  
致踈虞橫水諸賊旣盡聽候本院再授方略然後  
分哨起營自橫水穿牛角窟搜川坳陰木潭會左  
溪入密溪過相見嶺歷下關上關關田上華山過  
鱗潭屯左泉分斷西山界胡蘆洞等賊路四面設  
伏以待桶岡奔賊仍歸屯橫水控制諸巢遙與知  
府季敦相機應援必使根株悉拔噍類無遺候有  
班師日期方許回兵領哨各官及兵快人等敢有  
臨陣退縮違犯號令者仰卽遵照本院云云

一仰守備南贛二府地方以都指揮體統行事指  
揮使郊文統領後開官兵前往南安府自石人坑  
度湯瓶嶺破義安上西峰過鉛礮破苦竹坑剿長  
河洞搜狐狸坑攻左溪與本院會於橫水遂與知  
府唐淳季敦指揮余恩縣丞舒富等兵五營連絡

爲一大營乃各選精銳用鄉導分引齋乾糧二三日四搜附近山寨如天台菴獅子山絲茅壩等處多方爪探務期盡絕互相援應毋致踈虞左溪附近諸賊旣盡聽候本院再授方略然後分哨起營自左溪過密溪分兵搜絲茅壩會下關入關田過古亭踰上保搜茶坑屯於十八磊分兵斷下章設伏以待桶岡奔賊爲知府唐淳之繼使人探候消息相機應援必使遠近各賊噍類無遺候有班師期日方許回兵領兵各官及兵快人等敢有臨陣退縮違犯號令者仰卽遵照本院云云

王陽明先生全集

卷十八

公移一

四三

一仰贛州衛指揮余恩統領後開官兵自上猶官隘踰獨孤嶺至營前進金坑屯過步破長流坑分兵入梅伏坑破牛角窟撲川坵陰水潭與正兵合攻左溪與本院會於橫水遂與縣丞舒富知府唐淳季墩守備邦文等兵連絡爲一大營乃各選精銳齋乾糧二三日用鄉導分引四搜附近各山寨多方爪探務期盡絕互相援應毋致踈虞左溪諸賊旣盡聽候本院再授方略然後分哨起營過密

溪搜羊牯腦踰相見嶺歷下關上關關田經華山  
鱗潭網夾裏從左溪入西山界攻桶岡諸賊與知  
府邢珣唐淳指揮謝利等兵合勢夾擊賊既敗散  
遂會各營連絡犄角爲一大營各選精銳開合縱  
橫分布搜扒必使噍類無遺候有班師期日方許  
回兵領兵各官及兵快人等敢有臨陣退縮違犯  
號令者卽卽遵照本院云云

一仰寧都縣知縣王天與督同典史梁儀統領後  
開官兵自上猶官隘員坑過琴江口由白面寨至  
長潭經杰壩屯石玉分兵搜樟木坑正兵自黃泥  
坑過大灣人員分與本院會於橫水遂與知府邢  
珣都司許清等兵會合四營共結爲一大營乃各  
選精銳用鄉導分引齋乾糧二三日四搜附近各  
山寨多方爪探務期盡絕互相接應毋致疎虞橫  
水等處諸賊旣盡聽候本院再授方略然後分哨  
起營過背烏坑牛角窟梅伏坑涉長流渡果木口  
搜芒背上思順入烏地經上新地中新地分屯下  
新地分兵搜扒斷絕要路四面設伏以待桶岡奔

賊爲知府邢珣之繼使人探候緩急仍與縣丞舒富聲息相接應援必使噍類無遺候有班師期日方許回兵領兵各官及兵快人等敢有臨陣退縮違犯號令者仰卽遵照本院云云

一仰南康縣縣丞舒富統領後開官兵自上猶營前金坑進屯過步破長流坑徑攻左溪與本院會於橫水遂與知府邢珣唐淳季敦守備郊文等兵合四營共結爲一大營乃分選精銳齎乾糧用鄉導分引四搜附近賊巢如驚坑箬坑赤坑觀音山奄場仙鶴頭源陂左溪等處諸賊旣盡聽候本院再授方略然後分哨起營復自長流坑過果木口搜芒背搜鐵木里狗上池遍搜東桃坑山源竹壩泉大王嶺板嶺諸巢遂屯鎖匙龍外四面埋伏以待桶岡奔賊仍與知縣王天與聲息相接彼此相機應援必使噍類無遺候有班師期日方許回兵領兵各官及兵快人等敢有臨陣退縮違犯號令者仰卽遵照本院云云

一仰吉安府知府伍文定統領後開官兵前去屯

劉穩下會同守備郝文併謀協力搜剿稽蕪等處  
賊巢進屯橫水聽候本院再授方略然後進攻桶  
岡諸峒本官仍須詳察地理險易相度機宜協和  
行事毋得爾先我後力散勢分致失事機 國典  
具存罪不輕貸其領哨各官及兵快人等敢有臨  
陣退縮違犯號令者許卽以軍法從事軍中一應  
事宜亦聽隨宜應變應呈報者仍呈軍門施行

一仰廣東潮州府程鄉縣知縣張戩統領部下新  
民打手鄉夫人等搜剿稽蕪黃雀坳新地等處賊  
巢進屯橫水聽候本院再授方略然後進攻桶岡  
諸峒本官仍須詳察云云

一仰中軍營叅隨官

案行分守嶺北道官兵戴罪剿賊

叅看稽蕪大山不係進兵隘路若使郁文季墩等  
遵依本院方略直趨左溪與諸軍連營合勢兵威  
旣振然後分兵四剿則稽蕪等巢自然聞風而靡  
今乃不遵約束頓兵僻路以攻險絕堅小之寇反  
致損威挫銳非但有乖節制抑且違誤師期若使

各哨官兵皆若季數等後期不進則左溪橫水賊  
巢根本腹心之地何由攻破諸軍何由得有今日  
之勝論情定罪俱合處以軍法但今各營皆已乘  
勝追逐賊徒四散奔潰正係緊關搜截之際姑令  
戴罪剿絕以贖前辜爲此仰抄案回道速督各官  
分投把截搜剿俱要勵志奮勇毋徒退縮以自全  
毋以小挫而自餒務奮澠池之翼以收桑榆之功  
如復仍前畏縮違誤軍令具存難再容恕仍將陣  
亡千戶劉彪及被傷兵夫人等查驗紀錄量加優  
恤

王陽明先生全集

卷十八

公移一

七

搜滅餘黨牌

照得本院於本月十二日親督諸軍進破橫水等  
巢諸軍皆奮勇敢死奪險陷陣賊乃大敗擒斬功  
次數多良已可嘉但聞餘黨往往復相嘯聚千百  
爲群設柵阻險復爲抗拒官兵之備所據各兵進  
攻之日攀崖緣壁上下險阻疲困已極兼之陰雨  
連日瘴霧咫尺不辯故且容令各兵暫爾休息今  
天氣漸開兵力已蘇若不乘此破竹之勢疾捕急

擊使諸賊聲勢復得連絡用力益難爲此牌仰該道官吏嚴督各營官兵星夜疾進務在三日之內掃蕩餘孽必使噍類無遺敢有狃於一勝怠忽因循逗遛不進致誤軍機者仰卽遵照 敕諭事理當時以軍法從事該道亦要身督各官奮勇前進毋虧一簣務在萬全

獎勵湖廣統兵叅將史春牌

據副使楊璋呈稱遵奉本院牌案監督各營官兵照依二省刻定日期於十一月初一日午時攻破

王陽明先生全集

卷十八

公移一

哭

桶岡大峒賊徒皆已擒斬巢穴悉已掃蕩但湖廣官兵未知恐仍復前來非但無賊可剿抑且徒勞遠涉乞將湖廣官兵留屯彼地免其過境實爲彼此兩便等因到院看得桶岡天險先經夾剿圍困半年終不能下乃今一鼓而破斯固諸將用命軍士效力實亦湖廣兵威大振有以懾服其心故破巢之日不敢四散奔潰以克收茲全功訪得湖廣統兵叅將史春紀律嚴明行陣肅整故能遠揚威武致茲克捷雖兵不接刃而先聲以張相應差官

獎勵爲此牌差千戶高睿齋領後開花紅禮物  
去湖廣郴州親送本官營內傳布本院獎勵之意  
以彰本官不顯之功

### 設立茶寮隘所

照得撫屬上猶等縣所轄桶岡天險四面青壁萬  
仞中盤二百餘里連峰參天深林絕谷不睹日月  
賊衆屯據其間東出西沒遊劫殆遍人民遭其荼  
毒地方受其擾害先年亦嘗用兵夾剿坐困數月  
不能俘其一卒竟以招撫爲名而罷近該本院奉

命征剿仗賴天威悉已掃蕩但恐官兵撤後四  
方流賊乘間復聚必須於緊關去處設立隘所分  
撥軍兵委官防禦庶使地方得以永寧本院見屯  
茶寮親督知府邢珣唐淳等徧歷各處險要相視  
得茶寮正當桶岡之中自來盜賊據以爲險西通  
桂東桂陽南連仁化樂昌北接龍泉永新東入萬  
安興國堪以設隘保障當因湖廣官兵未至各營  
屯兵坐候因以其服責委千戶孟俊等督領兵夫  
先行開填基址伐木立柵起蓋營房見今規模草

創已具本院卽欲移營上猶必須委官督工庶幾  
垂成之功不致廢弛及照茶寮旣設隘所就合摘  
撥官兵防禦查得皮袍洞隘兵原非緊要合改移  
茶寮及於鄰近上保古亭赤水鮮潭金坑編選隘  
夫兼同防守庶一勞永逸事可經久爲此仰抄案  
回道坐委能幹縣官一員前去茶寮督工完造務  
要堅固永久不得因循遲延一面查照本院欽奉  
敕諭隨宜處置事理卽將原撥守把皮袍洞隘官  
兵盡數移就茶寮住劄一面於上保赤水古亭鮮  
潭金坑等寨量丁多寡每寨抽選精壯者一二百  
名兼同防禦其合用匠作工食等項行令上猶南  
康大庾三縣量支官錢給用完日具數及起撥官  
兵數目一併回報查考仍呈撫鎮巡按衙門知會

牌行招撫官

正德十三年二月

據縣丞舒富稟稱橫水等處新民廖成廖滿廖斌  
等前來投招隨又招出別山餘黨唐貴安等一百  
四十二名口俱稱原係被脅無辜乞要安插照例  
糧差等因到院照得橫水桶岡諸賊已經本院親

調官兵將賊首藍天鳳等悉已擒剿奏捷去後近  
准兵部咨奏奉 敕旨橫水桶岡等處賊首謝志  
山藍天鳳蕭貴模等既已擒剿地方寧靖有功官  
兵俱陞一級不願陞者照例給賞此後但有未盡  
餘黨務要曲加招撫毋得再行剿戮有傷天地之  
和其橫水建立縣治俱依所奏施行備咨准此除  
查照通行外看得新民廖成等誠心投撫意已可  
嘉又能招出餘黨非但洗其既往之罪亦當錄其  
圖新之功况今奉有 敕旨方欲大普弘仁而廖

成等投順適當其時相應量加陞賞一以見 朝  
廷之寬仁一以勵將來之向化爲此牌仰縣丞舒  
富卽將新民廖成授以領哨義官廖滿廖斌等各  
與巡捕老人名目令其分統招出新民編立牌甲  
聽候調遣殺賊更立新効以贖舊愆就於橫水新  
建縣城內立屋居住分撥田土令其照例納糧當  
差本官務加撫恤毋令失所有虧信義仍仰諭各  
新民俱要洗心滌慮永爲良善毋得聽信讐家恐  
嚇妄生驚疑自取罪累及照見今農時已逼新民

人等牛具田種當未能備今特發去商稅銀一百兩就仰本官置買耕牛農器分給各民督令上緊趁時布種其有見缺食用者亦與量給鹽米一應撫安緩來之策有可施行俱仰本官悉心議處呈來

批留兵搜捕呈

看得樂昌等處賊徒構禍連年流毒三省今兵備僉事王大用等乃能身歷險阻設謀調度數月之內致此克平論厥功勞良可嘉尚除具本 奏報

王陽明先生全集

卷十八

公移一

五

及一面先行犒獎外所據各哨賊徒穴巢雖已底定而漏殄難保必無况聞湖兵撤後各該巢穴多復嘯聚河源龍川諸處殘賊亦復招群集黨連結漸多逆其將來必復熾盛今雖役久兵疲且宜班師息衆但留兵搜捕亦不可苟毋謂斬木之不葉死灰之不然苟涓涓之不塞將江河之莫禦其狼兵旣已罷散難復追留若機快鄉兵之屬暫令歸休卽可起集爲輪畚迭出之計務使搜剿之兵若農夫之耘耨庶幾盜賊之種如莠莠之可除該道

仍備行搜捕各官務體此意悉拔根苗無遺後患  
批呈繳

批將士爭功呈

據兵備僉事王大用呈樂昌縣知縣李增緝獲大  
賊首李斌等審驗明白續據湖廣永州府推官王  
瑞之呈稱廣東差人邀奪等情已拘知縣見在人  
役追出原獲得李斌金簪銀兩荷包見在顯是湖  
廣兵快計擒不得妄報掩飾看得邇者大征之舉  
湖廣實首其謀江廣亦協其力既名夾攻事同一

體湖兵有失是亦廣兵之罪廣人有獲斯亦湖人  
之功况今賊首既擒則湖廣領哨之官亦復何咎  
雖云因虞得鹿而廣東計誘之人亦非無功但求  
共成厥事何必已專其伐矧各呈詞亦無相遠就  
如湖廣各官所呈卽廣人乘機捕獲之功居然自  
見就如廣東各官所呈則湖官運謀驅逐之勞亦  
自不掩獲級者匹夫之所能爭功者君子之大耻  
仰該道備行湖廣守巡等官彼此同心易氣各自  
據實造冊

告諭泃頭巢賊

正德十二年五月

本院巡撫是方專以弭盜安民爲職蒞任之始卽聞爾等積年流劫鄉村殺害良善民之被害來告者月無虛日本欲卽調大兵剿除爾等隨往福建督征漳寇意待回軍之日剿蕩巢穴後因漳寇旣平紀驗斬獲功次七千六百有餘審知當時倡惡之賊不過四五十人黨惡之徒不過四千餘衆其餘多係一時被脅不覺慘然興哀因念爾等巢穴之內亦豈無脅從之人况聞爾等亦多大家子弟

王陽明先生全集

卷十八

公移一

五十五

其間固有識達事勢頗知義理者自吾至此未嘗遣一人撫諭爾等豈可遽爾興師翦滅是亦近於不教而殺異日吾終有憾於心故今特遣人告諭爾等勿自謂兵力之強更有兵力強者勿自謂巢穴之險更有巢穴險者今皆悉已誅滅無存爾等豈不聞見夫人情之所共耻者莫過於身被爲盜賊之名人心之所共憤者莫甚於身遭劫掠之苦今使有人罵爾等爲盜爾必怫然而怒爾等豈可心惡其名而身蹈其實又使有人焚爾室廬劫爾

財貨掠爾妻女爾必懷恨切骨寧死必報爾等以是加人人其有不怨者乎人同此心爾寧獨不知乃必欲爲此其間想亦有不得已者或是爲官府所迫或是爲大戶所侵一時錯起念頭誤入其中後遂不敢出此等苦情亦甚可憫然亦皆由爾等悔悟不切爾等當初去從賊時乃是生人尋死路尚且要去便去今欲改行從善乃是死人求生路乃反不敢何也若爾等肯如當初去從賊時拚死出來求要改行從善我官府豈有必要殺汝之理爾等久習惡毒忍於殺人心多猜疑豈知我上人之心無故殺一雞犬尚且不忍况於人命關天若輕易殺之冥冥之中斷有還報殃禍及於子孫何苦而必欲爲此我每爲爾等思念及此輒至於終夜不能安寢亦無非欲爲爾等尋一生路惟是爾等冥頑不化然後不得已而興兵此則非我殺之乃天殺之也今謂我全無殺爾之心亦是誑爾若謂我必欲殺爾又非吾之本心爾等今雖從惡其始同是 朝廷赤子譬如一父母同生十子八人

爲善二人背逆要害八人父母之心須除去二人  
然後八人得以安生均之爲子父母之心何故必  
欲偏殺二子不得已也吾於爾等亦正如此若此  
二子者一旦悔惡遷善號泣投誠爲父母者亦必  
哀憫而收之何者不忍殺其子者乃父母之本心  
也今得遂其本心何喜何幸如之吾於爾等亦正  
如此聞爾等辛苦爲賊所得苦亦不多其間尚有  
衣食不充者何不以爾爲賊之勤苦精力而用之  
於耕農運之於商賈可以坐致饒富而安享逸樂

放心縱意遊觀城市之中優游田野之內豈如今  
日擔驚受怕出則畏官避讐入則防誅懼剿潛形  
遁迹憂苦終身卒之身滅家破妻子戮辱亦有何  
好爾等好自思量若能聽吾言改行從善吾卽視  
爾爲良民撫爾如赤子更不追咎爾等旣往之罪  
如葉芳梅南春王受謝鉞輩吾今只與良民一槩  
看待爾等豈不聞知爾等若習性已成難更改動  
亦由爾等任意爲之吾南調兩廣之狼達西調湖  
湘之士兵親率大軍圍爾巢穴一年不盡至於兩

年兩年不盡至於三年爾之財力有限吾之兵糧無窮縱爾等皆爲有翼之虎諒亦不能逃於天地之外嗚呼吾豈好殺爾等哉爾等若必欲害吾良民使吾民寒無衣饑無食居無廬耕無牛父母死亡妻子離散吾欲使吾民避爾則田業被爾等所侵奪已無可避之地欲使吾民賄爾則家資爲爾等所擄掠已無可賄之財就使爾等今爲我謀亦必須盡殺爾等而後可吾今特遣人撫諭爾等賜爾等牛酒銀錢布疋與爾妻子其餘人多不能通及各與曉諭一道爾等好自爲謀吾言已無不盡吾心已無不盡如此而爾等不聽非我負爾乃爾負我我則可以無憾矣嗚呼民吾同胞爾等皆吾赤子吾終不能撫恤爾等而至於殺爾痛哉痛哉興言至此不覺淚下

進剿泃賊方略

照得撫屬龍川縣地名泃頭積年老賊池大鬚等不時糾衆突出河源翁源安遠龍南信豐等處攻打城池殺擄人口先年亦嘗征剿皆因預失防禦

以致漏網後雖陽爲聽招其實陰圖不軌班師未幾肆出劫掠數年以來民受荼毒控告紛紜有不忍言若不趁時計剿地方何以寧謐爲此仰抄案回道會同分守守備等官卽行該府知府陳祥速將合用糧餉等項一面從長議處一面卽於所屬選集精壯驍勇曾經戰陣機快兵壯人等三千名少或二千名各備鋒利器械編成隊伍坐委素能謀勇官員統領一面密行龍川河源等附近賊巢等縣亦各選募慣戰殺賊兵快二千名委官分押

督同近巢知因被害義官新民頭目人等分截要路就仰知府陳祥總督諸軍親至賊巢去處指畫方略剋期進剿仍行先取知因鄉導數十人令其備將賊巢道路險易畫圖貼說要見某處平坦人馬可以直搗某處險阻可以把截某處係賊必遁之路可以設伏邀擊某處賊所不備可以間道撲掩各要一一詳察停當務盡機宜具由連圖差人馬上齎報以憑差官齎執令旗令牌剋期併力進攻必使根株悉拔噍類無遺以靖地方

尅期進剿牌

正德十三年正月

案照涑頭老賊池大鬢等不時糾衆攻打城池殺擄人口屢征屢叛近年以來陰圖不軌惡焰益熾除將賊首池仲容設計擒獲外其餘在巢賊黨若不趁機速剿不無禍變愈大地方何由安息本院已先密切分布哨道行仰知府陳祥統領典史姚思衡驛丞何春巡檢張行報効生員陳經世新民盧琢等官軍從和平入攻熱水巢五花障巢鐵石障巢直搗中涑大巢知府邢珣統領知縣王天與

王陽明先生全集

卷十八

公移一

五

典史梁儀并老人葉秀芳黃啓濟義官吳明等官兵從大平入攻芳竹湖巢白沙巢黃田坳巢中村巢直搗上涑大巢指揮姚璽統領新民梅南春等兵從烏虎鎮入攻淡方巢石門山巢直搗岑岡大巢指揮余恩統領百長王受黃金巢等兵從龍子嶺入攻溪尾巢塘涵洞巢古地巢空背巢直搗下涑大巢千戶孟俊統領義官陳英鄭志高新民盧琢等官兵從和平入攻平地水巢大門山巢黃狗坳巢直搗中涑大巢推官危壽統領義民葉芳百

長孫洪舜等官兵從南步入攻脫頭石巢鎮里寨  
巢羊角山巢直搗中洲大巢知府季敦兵從信豐  
縣黃田岡入攻新田逕巢古地巢縣丞舒富兵從  
信豐縣烏逕入攻旗嶺巢頓岡巢及行仰守備指  
揮郝文監督指揮姚璽余恩千戶孟俊等三哨官  
兵分路進剿本院亦自行督領帳下隨征官屬兵  
快人等從冷水逕直搗下洲大巢親自督戰刻期  
俱於本年正月初七日寅時四路並進外牌仰兵  
備副使楊璋不妨本道事務遵照本院欽奉 敕

論事理前去軍前紀驗功次處置糧餉及行催督  
各哨官兵依期進剿所獲功次務要審驗明白從  
實紀錄仍候巡按紀功御史至日覆實照例造冊  
奏繳及造清冊一本送院查考其軍中一應進止  
機宜俱仰密切呈來定奪

批汀州知府唐淳乞休申

據知府唐淳申稱患病乞賜放歸看得知府唐淳  
沉勇多智精敏有為兼之持守能謹制事以勤近  
因本院調委領兵征剿南安諸賊効勞備至斬獲

有多雖克捷之奏已舉而賞功之典未頒况江州所屬多係新民投招未久反側無常正賴本官威懷輯撫以爲保障縱有微疾不便起居卽其才能豈妨臥治仰該府卽行本官不妨養疾照舊管事安心職務善求藥餌務竭委身之忠勿動乞休之念申繳

告諭

告諭百姓風俗不美亂所由興今民窮苦已甚而又競爲淫侈豈不重自困乏夫民習染旣久亦難

王陽明先生全集

卷十八

公移一

空

一旦盡變吾姑就其易改者漸次誨爾吾民居喪不得用鼓樂爲佛事竭貲分帛費財於無用之地而儉於其親之身投之水火亦獨何心病者宜求醫藥不得聽信邪術專事巫禱嫁娶之家豐儉稱貲不得計論聘財裝奩不得大會賓客酒食連朝親戚隨時相問惟貴誠心實禮不得徒飾虛文爲送節等名目奢靡相尚街市村坊不得迎神賽會百千成羣凡此皆靡費無益有不率教者十家牌鄰互相糾察容隱不舉正者十家均罪亂民之中

豈無忠信循禮之人顧一齊衆楚寡不勝衆不知  
違棄禮法之可耻而惟慮市井小人之非笑此亦  
豈獨爾民之罪有司者教導之不明與有責焉至  
於孝親敬長守身奉法講信修睦息訟罷爭之類  
已嘗屢有告示懇切開諭爾民其聽吾誨爾益敦  
母息

仰南安贛州府印行告諭牌

照得有司之政風俗爲首習俗侈靡亂是用生本  
院近因地方多盜民遭荼毒驅馳兵革朝夕不遑

王陽明先生全集

卷十八

公移一

六三

所謂救死不贍奚暇責民以禮義哉今幸盜賊稍  
平民困漸息一應移風易俗之事雖亦未能盡舉  
姑先就其淺近易行者開道訓誨爲此牌仰本府  
官吏卽將發去告諭照式翻刊多用紙張印發所  
屬各縣查照十家牌印每家給與一通其鄉村山  
落亦照屯堡里甲分散務遵依告諭互相戒勉共  
興恭儉之風以成淳厚之俗該府仍行各縣於城  
郭鄉村推選素行端方人所信服者幾人不時巡  
行曉諭各要以禮優待作興良善以勵末俗毋得

違錯

禁約權商官吏

照得商人比諸農夫固爲逐末然其終歲棄離家室辛苦道途以營什一之利良亦可憫但因南贛軍資無所措備未免加賦於民不得已而爲此本亦寬恤貧民之意奈何奉行官吏不能防禁姦弊以致牙行橋子之屬騷擾客商求以寬民反以困商商獨非吾民乎除另行訪拏禁約外仰抄案回道卽便備行收稅官吏今後商稅遵照 奏行事

王陽明先生全集

卷十八

公移一

奎

例抽收不許多取毫釐其餘雜貨俱照舊例三分抽一若資本微細柴炭雞鴨之類一槩免抽橋子人等止許關口把守開放不得擅登商船假以查盤爲名侵凌騷擾違者許赴軍門口告照依軍法拏問其客商人等亦毋從實開報不得聽信哄誘隱匿規避因小失大事發照例問罪客貨入官及照船稅一事亦被總甲侵擾今後官府合行船隻俱要實價給顧就行抽分嚴查給票帖以防詐僞該道仍將應抽免抽逐一查議則例呈來

批贛州府賑濟石城縣申

看得所申賑濟旣該府議許中戶糴買下戶給散  
准如所議施行今出糴之數止及一千而坐濟之  
民不知幾許附郭者得遂先獲之圖遠鄉者必有  
不霑之惠近日贛縣發倉其弊可見仰行知縣林  
順會同先委縣丞雷仁先選該縣殷實忠信可托  
者十數輩不拘生員耆老義民各給斗斛候遠鄉  
之民一至卽便分曹給散仍選公直廉明之人數  
輩在傍糾察如有貪緣頂冒卽時擒拏照議罰治  
庶幾小民得蒙救急之惠而遠鄉可免久候之難

議處河源餘賊

看得河源等處賊情本院屢經批仰該道會同守  
巡等官從長計議相機剿捕今復據呈看得賊勢  
漸盛民患日深該道旣以兵力勞憊勢未能克卽  
須會同守巡守備等官或親至賊巢或於附近賊  
巢處所屯劄選差知因通賊曉事人役齎執告示  
榜文權且撫諭各賊委曲開譬或姑賜以牛酒銀  
布耕具種子之類令其收衆入巢趁時耕作因使

吾民亦得蹙免防截之役及時盡力農畝一面選  
兵勵士密切分布哨道候收歛已畢各巢亦積有  
糧米然後的探虛實剋期並舉出其不趨掩其不  
備是乃籍兵於民因糧於賊非獨可以稍紓目前  
之急亦因得以永除日後之患矣今若兵力不足  
旣未能剿又不從權撫種任其出沒往來則非惟  
民不安生窮困愈甚抑且賊亦失其農業衣食不  
給若非擄掠何以爲生是所謂益重吾民之苦而  
愈長羣賊之奸兵糧日耗後欲圖之功愈難矣仰  
王陽明先生全集

卷十八

本移一

全五

該道會同守巡守備等官上緊議處施行回報毋  
得從事徃復致釀後艱其各該官司兵快人等不  
論或撫或剿俱要時時操練整束密切隄備不得  
縱弛致有疎虞

告諭父老子弟

正德十四  
年二月

頃者頑卒倡亂震驚遠邇父老子弟甚憂苦騷動  
彼冥頑無知逆天叛倫自求誅戮究言思之實足  
憫悼然亦豈獨此冥頑之罪有司者撫養之有缺  
訓迪之無方均有責焉雖然父老之所以倡率飭

勵於平日無乃亦有所未至歟今倡亂渠魁皆就擒滅者從無辜悉已寬貸地方雖已寧復然創今圖後父老所以教約其子弟者自此不可以不預故今特爲保甲之法以相警戒聯屬父老其率子弟慎行之務和爾鄰里齊爾姻族德義相勸過失相規敦禮讓之風成淳厚之俗本院奉命撫巡茲土屬有哀疚未遑匍匐來問父老疾苦廉有司之不職究民之利弊而興除之故先遣諭父老子弟使各知悉方春父老善相保愛督子弟及時農

王陽明先生全集

卷十八

公移一

空六

作母惰

行龍川縣撫諭新民

先據推官危壽并龍川縣各申依奉本院鈞牌將新民盧源陳秀堅謝鳳勝等安插和平及撥田地耕種并拘仇家當面開釋各安生理母相構害緣由近訪得各民因聞廣東征剿從化等賊自生疑惑東逃西竄致令和平居民因而驚擾似此互相扇惑地方何時寧靖本當拏究爲首之人綁赴軍門斬首示衆但念各民意亦無他姑且記罪曉諭

爲此牌仰龍川縣掌印官即將投城居民諭以前  
項聽撫新民俱已改惡爲善止因廣東調兵征剿  
居民素懷仇隙者因而以此恐嚇致令東奔西竄  
各民意在避兵本非叛亂出劫爾等毋得妄生驚  
疑及差人拘集新民盧琦陳秀堅等諭以廣東官  
兵征剿各有界限爾等緣何輕信恐嚇妄自驚竄  
俱各着令回原村寨安居樂業越此春和各務農  
作仍諭盧源陳秀堅謝鳳勝等各要嚴束手下甲  
衆各念死中得生之幸悔罪畏法保爾首領如或  
面從心異外托驚懼之名內懷反覆之計自求誅  
戮悔後何及

優獎致仕縣丞龍韜牌

訪得贛縣致仕縣丞龍韜平素居官清謹迨其老  
年歸休遂致貧乏不能自存薄俗愚鄙反相譏笑  
夫貪汙者乘肥衣輕揚揚自以爲得志而愚民競  
相歆羨清謹之士至無以爲生鄉黨鄰里不知以  
爲周恤又從而笑之風俗薄惡如此有司者豈獨  
不能辭其責孟子云使饑餓於我土地吾耻之是

亦有司者之耻也爲此牌仰贛州府官吏卽便措置無礙官銀十兩米二石羊酒一付掌印官親送本官家內以見本院優恤獎待之意仍仰贛縣官吏歲時常加存問量資柴米毋令困乏嗚呼養老周貧王政首務况清謹之士旣貧且老有司坐視而不顧其可乎遠近父老子弟仍各曉諭務洗貪鄙之俗共敦廉讓之風具依准并措送過繳牌

申明便宜 勅諭

節該欽奉 勅廣東清遠從化後山等處與爾所

王陽明先生全集

卷十八

公移一

空

轄南韶等府壤地相接事體互相有關近該彼處鎮巡官 奏稱盜賊生發師行有日如遇彼處行文徵兵協勦亦要隨卽發兵前去防勦應援以收全功毋得自分彼此致失事機欽此欽遵照得南雄府界連南贛大庾信豐龍南等縣而惠州河源興寧亦各逼近賊巢俱係緊關奔遞潛匿之處進攻防截之路訪得前賊爲患日久雖奉 成命徵兵協勦誠恐賊計狡猾詐變東追則西竄南捕則北奔若不早爲查處未免有悞軍機爲此仰抄案

回司會同三司掌印及各該守巡兵備等官上緊  
調集兵糧聽候尅期防勦并將應勦賊巢通行查  
出行拘熟知地利險易鄉導責令畫圖貼說覓見  
某處賊巢連近某處鄉落某巢界抵某處係是良  
善村寨某處係是善惡相兼某處平坦可以直搗  
某處險阻可以把截某處係賊必遁之路可以設  
伏邀擊某處賊所不備可以間道掩撲何處官軍  
可以起調何官可以委用可以監統糧餉何處措  
辦住劄何處聽候各要查處停當備絲馬上差人  
呈總督鎮守巡按衙門知會

再批攻勦河源賊巢呈

據廣東嶺東道僉事朱昂等會呈河源縣賊巢一  
十三處勢相聯絡互爲應援賊首吳何俊等并帽  
子峰賊首譚廣護等招亡納叛不止二千餘衆累  
歲荼毒生靈况又僭稱天王總兵都督等號罪惡

迺關隘相應江西防截者亦要上緊查報以憑調  
發各母稽違致有失誤 國典具存決難輕貸先  
選熟知賊情三四人赴軍門聽用軍中一應進止  
或未盡機宜應呈報者亦就上緊呈報仍呈總鎮  
鎮守巡按等衙門查照知會

### 橫水建立營場牌

照得本院親督諸軍進破橫水等巢賊徒已就誅  
戮但山高林密誠恐漏殄之徒大軍撤後仍復嘯  
聚必須建立營場委官防守爲此牌仰典史梁儀

協同千戶林節統領寧都機兵四百名信豐機兵  
六百名就在橫水大村砍伐木植相視地勢雄阜  
去處建立營場一所周圍先豎木柵逐旋修築土  
城聽候本院回軍住劄以憑委官留軍防守各官  
務要同力協謀精勤幹理工完之日照依軍功論  
賞所領兵衆如有不聽約束許以軍令責治其合  
用夫匠等項聽於南安所屬上猶南康等縣取用  
該縣俱要卽時應付毋得遲違悞事

行江西按察司編審九姓魚戶牌

滔天人神共怒必須請調大兵勦絕根絲庶足以  
雪軍民之冤但此點賊性尤兇強必藉狼兵可以  
搗巢攻寨大約以軍兵二萬有餘方克濟事合行  
布政司查議糧餉并賞功銀兩等項又據惠州府  
云云看得賊衆兵寡委難集事但動調狼兵亦利  
害相半况開報賊巢前後不同合用糧賞俱合預  
行查處爲此仰抄按回道會同各守巡兵備等官  
將各巢穴再行備細查訪若果賊巢衆多官兵分  
哨不敷必須添調狼兵仰即徑自呈請該省總督  
等衙門上緊起調若見在官兵略以足用可以不  
調狼兵亦免騷擾地方就仰選委謀勇官督同府  
衛縣所等官將各漢達官軍兵快鄉夫預先起集  
選練於該府及近賊縣分密切屯劄勿令張揚候  
尅期已定然後晝伏夜行出其不意并擊合勦合  
用糧餉賞功等銀備行廣東布政司查照上年大  
征事體及時措備毋致臨期故事如是兵糧措置  
俱已齊備仰卽馬上差人飛報軍門以憑親臨督  
戰或差官齎執 令旗令牌分督進勦其各賊奔

爲照賊首吳十三浚十一閔念四念八等俱已擒  
獲黨類亦多誅勦雖有脇從之徒皆非得已節該  
本院備奉 欽降黃榜通行給發曉諭許其自首  
改過自新安插訖數內楊子橋等九姓漁戶又該  
知縣王軾引赴軍門投首審各執稱被脇情有可  
矜當該本院量行責治仍發本官帶回安撫外今  
訪得前項漁戶尚有隱匿未報及已報在官而乘  
勢爲非者况查沿江湖港等處亦有漁戶以打魚  
爲繇因而劫殺人財雖嘗緝捕禁約而官吏因循

王陽明先生全集

卷十八

卷一

七

禁防廢弛合就通行查處爲此仰抄案回司卽便  
選委能幹官員會同安義等縣掌印捕盜等官拘  
集楊子橋等九姓漁戶到官從公查審要見戶計  
若干丁計若干已報在官若干未報在官若干各  
駕大小漁船若干原在某處地方打魚生理著定  
年貌籍貫編成牌甲每十名爲一牌內僉衆所畏  
服一名爲小甲地方多寡每五牌或六牌爲一甲  
內僉衆所信服一名爲總甲責令不時管束戒諭  
仍於原駕船梢粉飾方尺官爲開寫姓名年甲籍

買住址及註定打魚所在用鐵打字號火烙印記  
開造印信手冊在官每月朔望各具不致爲非結  
狀親自赴縣投遞用憑稽考點閘中間如有隱匿  
不報者俱許投首免罪亦就照前行若有已報在  
官仍前乘機爲非抗頑不行到官就仰從長計議  
應撫應捕遵照本院欽奉勅諭隨宜處置事理  
徑自施行今後但有上戶官民客商人等被害就  
於本處追究務在得獲明正典刑仍卽通行南昌  
等一十三府及各州縣一體查處編立牌甲嚴加  
王陽明先生全集

卷十八

五十一

七

禁約施行造冊繳報查考如或故違定將首領官  
吏拏問決不輕貸

行言安府禁止鎮守貢獻牌

據吉安府守禦千戶所旗甲馬思稟稱蒙所批差  
領解鎮守江西太監王發買葛布銀三封及本  
所出備葛布折銀并貢禮銀共三千兩前赴本鎮  
今因途阻不敢前去等情叅照該所掌印官旣該  
鎮守衙門發銀買布若勢不容已只合照價兩平  
收買爲當乃敢不動原封分外備辦禮銀饋送若

非設計巧取必是科尅旗軍事屬違法本當叅拏  
究問但今江西變亂姑行從輕查理爲此牌仰吉  
安府卽查前項布價并貢獻禮銀務見的確如稱  
各軍名下糧銀就仰會同該所唱名給散取領備  
照若是各官自行出備合仰收入官庫聽候軍餉  
支用毋得縱容侵收入已及查報不實未便

王陽明先生全集

卷十八

公署

七



支用毋得縱容侵收入已及查報不實未便  
照各長各官自行出備合仰收入官庫聽候軍餉  
各軍名下糧銀就仰會同該所唱名給散取領備  
安撫司查前項布價并貢獻禮銀務見的確如稱  
各軍名下糧銀就仰會同該所唱名給散取領備  
奏開辦今江西變亂姑行從輕查理爲此牌仰吉  
安府卽查前項布價并貢獻禮銀務見的確如稱  
各軍名下糧銀就仰會同該所唱名給散取領備

